

KULANKA 1AAD EE ZÚME QORAALKA MUUQAALKA

Kusoo Dhawow Zúme

Kusoo dhawow Tababbarka Zúme. Zúme waa erey Giriig ah oo macnihiisu yahay “khamiir.”

Ciise waxa uu inoo sheegayaa in Boqortooyada Ilaah ay sidii haweenay qaadday in yar oo ah “zúme” oo daqiiq aad u badan ku dul dartay.

Sidii ay isugu qooshaysay ayaa burkii oo dhan waxa uu noqday mid wada khamiiray.

Ciise waxa uu tan inagu tusayey in qofka iska caadi ahi oo shay yar qaadi oo ka dhigi karo wax aad u weyn!

Aragtideennu waxaa weeye in aan samayno wixii Ciise yiri – si aan dadka adduunka oo dhan ugu caawinno hab ay si fudud u adeegsan karaan hase yeeshee saamayn weyn ku yeelanaya dhisidda Boqortooyada Ilaah!

Tilmaamihii ugu dambeeyay ee uu Ciise siiyay wixii raacay waxa ay ahaayeen kuwo sahlan. Wuxuu yiri — Amar oo dhan ayaa samada iyo dhulka laygu siiyey. Haddaba taga, oo quruumaha oo dhan xer ka dhiga, oo ku baabtiisa magaca Aabbaha iyo Wiilka iyo Ruuxa Qudduuska, oo bara inay dhawraan wax walba oo aan idinku amray-oo bal eega had iyo goor ayaan idinla joogaa xataa ilaa wakhtigu dhammaado.

Ciise amarkiisu aad ayuu u fududaa wuxuuna ahaa – Xer Sameeya

Tilmaamihiisa ku aaddan sida loo samaynayo aad ayey u sahlanayd – Meel walboo aad tagtaan ka sameeya xer

- Sameeya xer idinka oo ku baabtiisaya magaca Aabbaha, Wiilka iyo Ruuxa Qudduuska ah
- Sameeya xer idinka oo baraya in ay dhawraan wixii uu Isagu amray oo dhan

Haddaba maxay yihiin tallaabooyinka la raacayo si xer loo sameeyo?

1- Waa in aynu mar walba xer samaynaa –meel kastoo aan u baxno iyo si kastoo aan u tagno

- 2- Marka qof uu go'aansado inuu raaco Ciise Masiix – waa in la baabtiisaa
- 3- Si ay u koraan – waxaan xerow kasta baraynaa sida uu u adeeci lahaa wixii Ciise ku amray.

Maaddaama mid ka mid ah waxyaabihii Uu amray ay tahay in xer la sameeyo, mid kasta oo xer ah waxaa waajib ku ah inuu sidoo kale barto sidii xer loo samayn lahaa.

Xertaasi waa in ay xer kale sii samaysaa. Oo xertaasi waa in ay sidoo kale xer sii samaysaa.

Xerta oo la badiyo. Waa nidaamka ay Zúme ku shaqayso.

Waa sidii khamiir – kaasoo markii uu cajiinka wada galo uu wada dhammaan wada fixiya.

Markii ciise bixiyey amarkan ah in la tago oo xer la sameeyo, ballanqaad ayuu sidoo kale sameeyay.

Ciise wuxuu yiri - had iyo goor ayaan idinla joogaa xataa ilaa wakhtigu dhammaado.

Qof kasta oo rumayste ahiwaa inuu maanka ku hayaa ballanka ah inuu Ciise innala jiro. Waa Isaga!

Balse sidoo kale taas macnaheedu waxaa weeyaan in mid kasta oo Ciise raaca ay tahay wax uu ka doonayo in ay xer sameeyaan. Waayo Wuu karaa.

Ciise wuxuu yiri –Amar oo dhan ayaa samada iyo dhulka laygu siiyey.

Haddaba taga, oo quruumaha oo dhan xer ka dhiga.

Amarka uu Ciise na siiyay markan uu na dirayo – waa amarkiisa.

Ciise wuxuu sheegay in uusan jirin amar kaa ka sarreeya. Ma jiro hidde leh amar kaa ka weyn.

Ma jiro dhaqan amarkaas weyn leh. Ma jiro sharci aduunka dushiisa ah oo amar kaa ka weyn leh.

Ciise wuxuu yiri – Taga oo xer sameeya.

Sida Zúme – sidii khamiir oo kale – ayaan u socon doonnaa oo aan u kori doonnaa illaa shaqada la wada qabto.